



Cuntrada ispirada da Sursaiisa.

ILLUSTRAZIUNS M. ZIEGLER

# Mundaun – game mistic e misterius

Prevedi da metter online l'onn proxim

DA CLAUDIA CADRUVI / ANR

■ **Schettas charnpiertg e schambuns pendan en in stgiraglia tshaler – e tranteren penderlescha ina figura-tscha stranglentada. Il videogame Mundaun empermetta snavur e sgar-schur davos mintga chantunada. Ses creader Michel Ziegler sa chatta da preschent a San Francisco.** Là sa splega quest'emna la pli impurtanta conferenza mundiala per sviluppaders professiunals da games. La Pro Helvetia ha tshernì 19 sviluppaders empermettens per la delegaziun svizra. «Ils games svizzers crodan si entras lur fermezza narrativa e visuala», scriva la fundaziun da cultura. Gliez vala en mintga cas era per «Mundaun». Ziegler ha dissegna la scenaria cun rispli e suenter dà vita als maletgs al computer cun graficas da 3D.

## Chasa a Platenga

Dapi sia uffanza ha il dissegner pas-sentà sias vacanzas a Sursaiisa. Lieus e bajetgs en il game èn inspirads da questa cuntrada enturn il Mundaun. Ziegler ha digitalisà in'entira chasa gualsra da Platenga inclus sutgas, pegna, fanestras e portas. Las ramurs per il giu ha el per part medemamain registrà a Sursaiisa: pass sin in palantschieu da lain, la clavela d'ina porta, la sava d'in isch, stgellas ed il beschlar d'ina chaura.

L'istorgia ha Ziegler inventà ensemen cun *Gabrielle Alioth*. Curdin intervegn che ses tat è mort en in incendi. El sa metta immediat sin via en sia patria – en in mund da bellezza nunpalpada da l'ir dal temp. Ma l'idilla cugliuna. Utschacs misterius sa sguschan enturn mugrins e sfuginan atras streglias. Tge marscha qua?

## Diavel ord chadaina

Durant il temp da guerra avevan il tat e ses cumpogns fatg patg cun il demuni per salvar la vita dals da Mundaun. Il demuni ha tegni ses pled, ma il tat e ses cumpogns han, empè da pajar la remuneraziun empermissa, cugliunà il demuni e serrà el en il culm. Uss ha il diavel pudì sa liberar. El è ord chadaina e fa vendetga sco emprim cun il tat. Curdin sto puspè domesticar il diavel. Agid ha el mo dad in plevant, d'in corporal sturn e dal spiert d'ina chaura.

Il game duai cumparair l'onn che vegn. Sin [www.mundaun-game.ch](http://www.mundaun-game.ch) dat in video in pitschen schatg tge che spetga ils giugaders.

Ziegler ha studegià informatica a la Scol'auta per tecnica a Rapperswil ed emprendì dad illustrar a la Scola da design ed art a Lucerna.



Viva quest'ura?



Ina veglia e misteriusa lingua – almain per gamers tudestgs.



Utschacs dal temp da guerra – levads da mort en vita.



In plevon gida Curdin en ses cumbat cunter il demuni.



Michel Ziegler ha l'emprim dissegna cun rispli e suenter elavurà al computer sias illustraziuns.



Bellezza scenaria – che fa snavurs.



Mattatscha smanatschada dal demuni.